

# Portugallien. prætenſæ nullitatis Congregationis Intermediæ.

**Eñe, & Rñe Dñe.** **P** Ræuidens R. P. Antonius Mogalhaes tunc Prouincialis Ordinis Eremitarum S. Augustini Prouinciæ Regni Portugallie, quod nonnulli pauci Patres de eorum natura inquieti, & præſertim PP. Antonius de Tauora, & Ioannes à Diuo Thoma, nè cum præ omnibus inquietiſſimi, ſed fauores omnium diſſenſionum huc uſque in Prouincia exortarum, ſicuti omnibus in modis curauerant ſubuertere pacem, & tranquillitatem ipſius Prouinciæ, ita etiam non omiſſent omnem mouere lapidem pro ſubuertenda proxima Congregatione Intermediâ, ac præuidens quoque, quod ipſe in illa præſidens non valuiſſet occurrere diſcordijs, & forſan ſcandalis in ea dicta de Cauſa euenturis, exiſtimaui renunciare muneri Præſidentis, & eodem tempore de opportuno remedio ſupplicare huic Sacræ Congregationi, quæ ſub die 12. Auguſti 1707. dignata fuit reſcribere, & mandare, quod ipſe P. Prouincialis præſideret præfatæ Congregationi Intermediæ, quodque Eminentiſſimus D. Cardinalis Nuntius aſſisteret cum facultatibus eiſdem Sacræ Congregationis *Summ. Num. 1.*

Vigore huiusmodi Decreti, & iuxta eiſ tenorem conuocata, & celebrata fuit dicta Congregatio Intermedia, quæ cum modo pro parte ſupradiſti P. Antonij de Tauora, aliorumque eiſ Partia- lium prætendatur nulla, & inualida, abſque vilo prorsùs dubio reſcribendum videtur *ſubſtineri*, prout pro parte moderni P. Rectoris Prouincialis, totiuſque præfatæ Prouinciæ humiliter ſupplicatur, & ſperatur.

Quatenùs enim dicta Congregatio prætendatur nulla, eo ſub ſuppoſito, quod celebrata non fuerit congruo tempore, ſcilicèt in die Feſtiuitatis omnium Sanctorum, ſed ſub die 9. menſis Nouembris anni præteriti 1707., & ſic paucis diebus poſt dictam Feſtiuitatem omnium Sanctorum, aduertere exoramus, nullam prorsùs habere ſubſiſtentiam.

Tùm quia in factò non ſubſiſtit, celebrationem Congregationis Intermediæ eſſe de neceſſitate, & ſub pena nullitatis faciendam dicta die Feſtiuitatis omnium Sanctorum, & præſertim quoad dictam Prouinciâ Portugallie, in qua cum Capitulum Prouinciale celebraretur de triennio in triennium, vt inter Partes non controvertitur, potuit ipſa Congregatio Intermedia etiam alio tempore iuxta ipſius Prouinciæ conſuetudinem celebrari, vt expreſſè præſcribunt, & mandant Ordinis Conſtitutiones datæ in *Summario Num. 2.*

Tùm etiam quia quando etiam per falsam hypothesim celebrari debuisset in dicta die Festiuitatis omnium Sanctorum, adhuc dubium non est, quin potuerit per præfatum Eminentissimum D. Cardinalem Nuntium prorogari vigore facultatum huius Sacræ Congregationis ei in dicto Decreto concessarum *Summ. d. Num. 1.*

Fortius verò quia eam non prorogauit nisi vsque ad diem nonam Nouembris, & sic per paucos dies, & quidem vtendo facultatibus huius Sacræ Congregationis, ac iustis de Causis, nempe ob absentiam aliquorum ex nouem vocalibus, vt constat tam ex eius relatione transmissa huic Sacræ Congregationi, & per extensum data in *Summ. Num. 3.*, quàm etiam ex altera D. Hieronymi Lamparelli Notarij Tribunalis Nuntiaturæ, de qua in *Summ. Num. 4.*

Quatenus autem prætendatur nulla, ex quo in ea interuenerint tam D. Auditor dicti Eminentissimi D. Cardinalis Nuntij, quàm etiam alij duo Iudices, nec non præfatus Lamparellus Notarius Tribunalis Nuntiaturæ, dicimus, huiusmodi prætentionem esse non posse insubfistentiorem, nè dùm quia interuenerunt de ordine, & mandato dicti Eminentissimi D. Cardinalis Nuntij, vt ipsemet refert in dicta eius relatione data in *Summ. d. Num. 3. litt. I.* Verùm etiam quia ita fuit semper practicum, & practicatur in dicta Prouincia, vt in *Summ. d. Num. 4. litt. A. B., & Z.*

Idque est adeò verum, vt omnes præfati Ministri Eminentissimi D. Cardinalis Nuntij interuenerint quoque in alijs Capitulis, & Congregationibus Intermedijs, & præsertim in vltimo Capitulo Prouinciali anno 1706. celebrato *Summ. d. Num. 4.* Et consequenter quatenus ista de causa declararetur nulla Congregatio Intermedia, de qua agitur, maximum sequeretur absurdum, quod scilicet declararentur quoque nulla cætera alia Capitula, vt supra celebrata, adeò vt fieret strages quamplurium Capitulorum.

Rursus quatenus vltèrius prætenderetur nulla altero sub supposito, quod dictus D. Auditor, alijque Ministri dicti Eminentissimi D. Cardinalis Nuntij in ea suffragari fuerint, humiliter supplicamus ab eo cauere, quia nullam in facto habet subsistentiam:

Nec ad effectum, de quo agitur, est attendenda simplex attestatio aliquorum Religiosorum forsàn exaduersò danda, non solum quia omnes in ea deponunt de auditu solummodò ab illis Patribus, qui vt infra appellarunt, & modò prætendunt nullitatem controuerse Congregationis, & sic nullum prorsus probationis gradum faciunt ex notissimis Iuribus.

Verùm etiam quia totum contrarium remanet concludentissimè probatum ex relatis in *Summ. d. Num. 4.*, & præsertim sub litteris C. E., & K.

Et demùm quatenus prætendatur nulla, eo sub prætextu, quod non durauerit nisi per paucas horas, quod hac de causa quamplurimæ non potuerint proponi, & expediri negocia, & quod multa in ea illa;

illata fuerint grauamina, dicimus longè minùs subsistere.  
Quantùm enim ad assertam nimiam breuitatem rogamus aduertere, Congregationem inchoatam fuisse die 9. Nouembris, & terminatam non fuisse nisi sub die 16. eiusdem mensis Nouembris, & sic durasse spatio octo dierum, ac in eis, scilicèt sub diebus 9. 12., & 16. tres factas fuisse longissimas sessiones; & in istis omnes expeditas fuisse materias, vt constat ex præfatis duabus relationibus Eminentissimi D. Cardinalis Nuntij, eiusque Notarij datis in *Summ. d. Num. 3.*, & 4.

Quantùm verò ad negocia vt asseritur non proposita, minusque expedita, veritas est, quod tam P. Prouincialis, quàm Eminentissimus D. Cardinalis Nuntius ob eorum deficientiam habuerunt per binas vices Congregationem pro terminata, vt resultat ex eisdem relationibus vt supra datis, & præsertim ex illa D. Lamparelli data in *Summ. d. Num. 4. litt. M.*, & X.

Idque similiter est adeò verum, vt cum præfatus P. Antonius de Tauora eodem tempore, quod dixit, se appellare nè dùm à gestis in vltima sessione, verùm etiam à cæteris alijs concorditer resolutis in præcedentibus, dixerit quoque, quod non poterat Congregatio terminari, ex quo remanebant alia proponenda, & resoluenda in ea, non omisit Eminentissimus D. Cardinalis Nuntius pluriès, acque pluriès eum requirere, vt diceret, & exprimeret negocia proponenda, & resoluenda, sed ipse numquàm voluit eas indiuiduare, nec quidquam aliud dicere, & propterea iuremerito Congregatio habita fuit pro terminata, & prout latiùs in *Summ. d. Num. 4. lit. O.*, & pluribus sequentibus.

Hinc non videtur præstanda aliqua fides F. Iosepho de Nasaret Biddello præfatæ Congregationis, alijsque Religiosis contrarium, forsàn asserentibus, Et non referentibus diligentias vt supra factas pro habenda à d. Patre de Tauora noticia assertarum aliarum materiarum; Et nihilominùs addimus, quod absque vllo dubio præferendæ sunt probationes pro hac parte allatæ, quia dicti contrarij Testes nedùm concurrere non valent cùm præfatis Relationibus Emi D. Card. Nuntij, eiusque Notarij, sed etiam quia falsissimi conuincuntur, cùm veritas sit, quod fuerint perfecta omnia memorialia Congregationi porrecta, ac vterius fuerint quoque resoluta, & expedita cæteræ aliæ materiæ recensitæ in supradicta relatione data in *Summ. d. Num. 4.*

Insuper addimus, quod quando etiam remansisset, & remaneret aliquid vt supra proponendum, & decidendum, fieri, & determinari poterit in proximo Capitulo Prouinciali de necessè celebrando in mense Aprilis intrantis anni 1709.

Et tandem quantum ad ass. grauamina vt prætenditur illata in controuersa Congregatione sufficeret respondere, quod non sunt præsentis inspectionis, quia quando etiam adfuissent, apta non fuissent,



sent, nec essent reddere nullam ipsam Congregationem.

Nihilominus ut Eñi Patres recognoscant quoque insubstantiam huiusmodi prætensionis, superfluum non existimamus recensere omnes controuersias in ipsa Congregatione habitas, & agitas.

Porrecto pro parte P. Ioannis à S. Thoma Priore suspenso Conuentus S. Mariæ Gratiarum Ciuitatis Vlxiponenfis supplici libello tam super admissione renunciationis sui Prioratus, quam super resolutione, & decisione Processus contra eum fabricari, & ex eodem eius supplici libello habita notitia, quod recursum habuerat nedum ad R. P. Generalem Ordinis, verum etiam ad Iudices laicos, fuit primò loco per Eñum D. Cardinalem Nuncium responsum, quod ob dictos recursus habitos ad Iudices laicos non poterat, nec debebat audiri, *ut Summ. d. Nu. 4. litt. D.* & post modum mitius agendo fuit ab omnibus Vocalibus vnanimitèr resolutum, *quod expectaretur resolutio P. Generalis, ut Summ. d. Nu. 3. litt. C.*

Et consequenter cessat in hac parte quæuis vmbra grauaminis.

Accedente præsertim, quod respectu renunciationis Prioratus nullo modo poterat Congregatio Intermedia illam acceptare, quia huius Causæ, sunt priùs recognoscendæ à P. Prouinciali, eiusque Diffinitoribus ità disponentibus Constitutionibus Ordinis datis *in Summ. Nu. 5.*

Respectu verò resolutionis, & decisionis processus, cùm Diffinitorium Congregationis Intermediæ habeat easdem facultates, quas habet Diffinitorium Capituli Prouincialis, ut ex Constitutionibus ordinis datis *in Summ. Nu. 6.* certum, & indubitatum est, quod sicuti istud non valet cognoscere, & definire Causas, ut disponunt ædem Constitutiones, de quibus *in Summ. Nu. 7.* Ità etiam nec potest Congregatio Intermedia, & prout latius deducitur in relatione data *in Summ. d. Nu. 4. litt. F. & G.*

Facta subindè eidem Congregationi Intermediæ relatione super applicatione, & erogatione cuiusdam summæ spectantis Prouinciæ, nec non super lite desuper introducta, & indecisa pendente, quia quinque ex vocalibus suffragati fuerunt pro applicatione faciendæ Conuentui Leyriæ, & reliqui quatuor fuerunt in voto, quod non esset aliquid innouandum in spretum d. litis pendentis, fuit de mandato Eñi D. Cardinalis Nuncij extensa resolutio iuxta votum traditum à maiori parte Vocalium, cùm declaratione tamen, quod ipse eam non approbabat uti præiudicalem d. pendentis litis *Summ. d. Num. 3. litt. D.* Et propterea in hac etiam parte nullum prorsus considerari valet grauamen.

Minusque dici valet, fuisse aliquod grauamen illatum P. Antonio à Sacramento, ex quo in eadem Congregatione Intermedia non fuit ei admissa renunciatio Procuracionis Generalis; Quoniam non solum ei ohstabat idem defectus recognitionis Causarum præuentiuè faciendæ iuxta Ordinis Constitutiones datas *in Summ. d. Num. 5.*

*Num. 5.*, sed vltcriùs ipsa renunciatio apparebat collusiuà, vt latius deducitur tam in relatione E<sup>m</sup>i D. Card. Nunciij data in *Summar. d. Num. 3. litt. E.*, quam in altera D. Lamparelli, de qua in *Summ. d. Nu. 4. litt. T. & V.*

Sicuti etiam dici non valet, fuisse alicui præiudicatum ob non factam in eadem Congregatione Intermedia Electionem Lectorum ex validissimis rationibus, & fundamentis deductis in supradicta relatione E<sup>m</sup>i Card. Nunciij, de qua in *Summ. d. Num. 3. litt. F.*

Reictis suppositis grauaminibus remaneret respondendum exaduerso deducendis contra, & aduersus D. Auditorem, aliosque Ministros dicti D. Card. Nunciij; sed superfluum existimamus, quia vltra quod non probatur, credibile non est, quod in re ad ipsos non spectante, & in præsentia eorum Domini, ac tanti Principis ausi fuerint aliquid deducere, & præsertim contra Religiosos legitimè congregatos, ac etiam quia contrarium resultat ex relatione D. Lucarelli data in *Summ. d. Num. 4. litt. G.*

Cœterum principales motores tantanum dissensionum, & hodiernæ controuersie fuerunt, & sunt præfati duo Patres *Antonius de Tauora*, & *Ioannes à Diuo Thoma*, & quoad personam ipsius P. Ioannis à Diuo Thoma constat ex deductis in altera nostra informatione contra ipsum data.

Quò verò ad personam d. P. Antonij de Tauora, scilicèt quis sit, quàm vitam duxerit, & ducat, quas Calumnias contra eius Superiores, & præsertim contra præfactum P. Antonium de Magalhaes coactum renunciare muneri Prouincialatus, patrauerit, & quomodo de eis loquatur poterunt E<sup>m</sup>i, & R<sup>m</sup>i Patres recognoscere ex Epistola nonnullorum grauissimorum Patrum scripta R. P. Generali, ex altera E<sup>m</sup>i D. Cardinalis Nunciij transmissa eidem R. P. Generali, ex iurata attestazione P. Michaelis à S. Maria, & ex nonnullis Epistolis ab ipso P. Antonio de Tauora scriptis eidem P. Michaeli à S. Maria, & omnibus datis in *Summ. Num. 8. 9. 10.*, & 11.

Et propterea nedùm rescribendum videtur pro validitate Congregationis Intermediæ, sed vltcriùs sumenda est aliqua prouisio contra præfatos duos Patres, ad hoc vt imposterum non valeant Prouinciam inquietare, prout humiliter supplicatur.

Quarè &c.

Michael Angelus Casalius.

*[Faint, illegible text, likely bleed-through from the reverse side of the page.]*

Michael Angelo Castiglione

THE  
CITY OF  
BOSTON  
OFFICE OF THE  
CITY CLERK  
1881

SACRA CONGREGATIONE  
Episcoporum, & Regularium  
Eño, & Rño D. Card:

**GABRIELLIO**  
Portugallien. prætenfa  
nullitatis Congrega-  
tionis Intermediæ.

P R O

R.P. Prouinciali, & Prouincia Ordini  
Eremitarum S. Augustini Regni  
Portugallia.

C O N T R A

Aliquos Patres d. Prouincia.

**Facti.**

— Typis De Comitibus 1708